

tium & sublevamen concessa sit
Parochorum : Præstantius au-
tem & longè sublimius est facere
aliquid *ex officio & per se*, quam
solùm ex *commissione, privilegio,*
per accidens, & in sublevamen
aliorum.

CAPUT IV.

De Merito & præmio Statū Parochialis.

Magnitudo Præmij & Meri-
torū Statū Parochialis ex
duplici capite cognosci potest:
Primò ex Divinâ promissione
Daniel. 12. Qui docti fuerint,
fulgebunt quasi splendor firma-
menti, & qui ad Justitiam eru-
diunt

diunt multos , quasi stellæ in per-
petuas æternitates, hinc enim pas-
sim colligunt SS. Patres , singu-
lare præmium manere eos , qui
ignorantes in viâ Justitiæ eru-
diunt. S. Thomas in addit.ad 3.p.
q. 96. Art. 11. Hieronym⁹, Ansel-
mus, Rusbrochius, Glossa , &c.

Secundò colligitur magnitu-
do hujus præmij ex intrinsecâ
operum Parochialium bonitate
& præstantiâ : sunt enim omnes
functiones Parochorum actus
Religionis, Justitiæ, & Charitatis
erga DEUM & Proximum, quæ
sunt virtutes inter Morales &
Theologicas omnium præstan-
tissimæ juxta illud Pauli I. Cor. 13.
Nunc autem manent Fides, Spes,
Cha-

Charitas, tria hæc : major autem horum est Charitas. Quapropter etiam functiones Curatorum à S. Bernardo Serm. 12. in Can. Comparantur operibus & laboribus virorum fortium, dum ait : temerariè objurgat virum de prælio revertentem mulier manens in domo : dico enim , si is qui in claustro est , eum qui versatur in populo , interdum minus districtè minusque circumspectè sese gerere deprehenderit , v. g. in verbo , in cibo , in Somno , in risu , in irâ &c. non ad judicandum confessim prosiliat , sed meminerit scriptum : melior est iniquitas viri , quam benefaciens mulier. Nam tu quidem in tui custodiâ vigilans bene facis , sed qui juvat multos , & melius

liùs facit & viriliùs. Quod si im-
plere non sufficit absque aliqua ini-
quitate , id est , absque quadam
inæqualitate vitæ & conversatio-
nis suæ , memento , quia Charitas
operit multitudinem peccato-
rum. S. Chrysostomus quoque
Homil. 25. in 1. Cor. Præfert cu-
ram animarum omnibus corpo-
ris afflictionibus , ut sunt humi-
cubationes , jejunia , vigiliæ &c.
Et *Homil. 78. in cap. 24. Matth.*
Ipsi anteponit Martyrio secun-
dum propriam speciem actūs. Cui
etiam subscribit S. Thomas 2. 2.
q. 124. Art. 3. Et quomodo non
præstantis meriti Parochorum
conditio , qui eundem planè
cum Unigenito D E I Filio sco-
pum & finem habent , ut vide-
licet

licet quærant ac salvum faciant,
quod perierat. *Luc. 19.* Funganturque legatione pro Christo
2. Cor. 5. tanquam illius ministri
& dispensatores mysteriorum.
1. Cor. 4. quos dedit Pastores &
Doctores ad consummationem San-
ctorum in opus ministerij, in aedi-
ficationem Corporis sui? *Ephes. 4.*

CAPUT V.

De Officio Parochorum.

PROponit illud Synodus Tri-
dentina *Sess. 23.* de reform.
Cap. 1. His verbis: *Cum præcepto*
Divino mandatum sit omnibus,
quibus animarum cura commissa
est, oves suas agnoscere, pro his Sa-
cri-